



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Commentarii Exegetici In Apocalypsim Ioannis Apostoli**

**Viegas, Brás**

**Parisiis, 1615**

Argumentvm.

**urn:nbn:de:hbz:466:1-39261**

## ARGVMENTVM.

*Hæc est quarta visio huius operis, eaque illustrissima, atque ad Antichristi tempora pertinens. Demonis, & Antichristi aduersus Ecclesiam persecutio, Ecclesiaque ipsius splendor, & de hostibus gloriosa victoria, triumphusque commemorantur.*

## CAPVT DVODECIMVM.

**D**T signum magnum apparuit in cælo: mulier amicta sole, & luna sub pedibus eius, & in capite eius corona stellarum duodecim, & in vtero habens: & clamat parturiens, & cruciatur vt pariat. Et visum est aliud signum in cælo, & ecce draco magnus rufus, habens capita septem, & cornua decem: & in capitibus eius diademata septem, & cauda eius trahēbat tertiam partem stellarum cæli, & misit eas in terram: & draco stetit ante mulierem quæ erat paritura, vt cum peperisset, filium eius deuoraret. Et peperit, filium masculum, qui recturus erat omnes gentes in virga ferrea: & raptus est filius eius ad Deum, & ad thronum eius, & mulier fugit in solitudinem, vbi habebat locum paratum à Deo, vt ibi pascat eam diebus mille ducentis sexaginta. Et factum est prælium magnum in cælo: Michael, & Angeli eius præliabantur cum dracone, & draco pugnabat, & Angeli eius: & non valuerunt, neque locus inuentus est eorum amplius in cælo. Et proiectus est draco: ille magnus serpens antiquus, qui vocatur diabolus, & Saranas, qui seducit vniuersum orbem: & proiectus est in terram, & Angeli eius cum illo missi sunt. Et audiui vocem magnam in cælo dicentem: Nunc facta est salus, & virtus, & regnum Dei nostri, & potestas Christi eius: quia proiectus est accusator fratrum nostrorum, qui accusabat illos ante conspectū Dei nostri die, ac nocte. Et ipsi vicerunt eum propter sanguinē Agni, & propter verbum testimonij sui, & non dilexerunt animas suas vsque ad mortem. Propterea lætamini cæli, & qui habitatis in eis. Væ terræ, & mari, quia descendit diabolus ad vos habens iram magnam, sciens quod modicum tempus habet. Et postquam vidit draco, quod proiectus esset in terram, persecutus est mulierem, quæ peperit masculum: & datæ sunt mulieri alæ duæ aquilæ magnæ, vt volaret in desertum in locum suum, vbi alitur per tempus, & tēpora, & dimidium temporis à facie serpentis. Et misit serpens ex ore suo post mulierem aquam tanquam flumen, vt eam faceret trahi à flumine. Et audiuit terra mulierem, & aperuit terra os suum, & absorbit flumen, quod misit draco de ore suo. Et iratus est draco in mulierem, & abiit facere prælium cum reliquis de semine eius qui custodiunt mandata Dei, & habent testimonium Iesu Christi. Et stetit supra arenam maris.

COM-